

閩臺族譜彙刊

◎ 陳支平 主編

13

GUANGXI NORMAL UNIVERSITY PRESS
广西师范大学出版社



閩臺族譜彙刊

13

陳支平 主編

GUANGXI NORMAL UNIVERSITY PRESS
广西师范大学出版社
桂林



目錄

螺江陳氏家譜(一)

.....

—

目

錄

福建
螺江

陳氏家譜(一)

陳維壽 編纂

民國二十一年(一九三二)三修 刻本

《螺江陳氏家譜》，民國年間修輯。螺江即螺洲，原屬閩侯縣。螺江陳氏家族爲福州地區的重要家族之一，清代族人爲宦者甚多，清末名臣陳寶琛即爲該家族的第十七世孫。隨着清代臺灣地區的不斷開發，福州陳氏家族也有部分族人遷移臺灣。

螺江陳氏家譜

<一>

壬申年四月第三次修

螺江陳氏家譜

本祠付印

嘉慶庚辰年重鐫

螺江陳氏家譜

本祠藏板

螺洲小序

螺洲之名何自昉乎或謂川光鏡靜而洲澹掩隱約狀如青螺故云按晉安志以螺江與甘蔗洲毗連後爲洪水衝溢江徙而南因舉干寶搜神記謝端遇徐女仙遺事以證之今考徐女飛昇之地在高蓋山有徐女峯遺跡余家與高蓋不過三里徐女專祠唯吾鄉虔祀已久則勝跡流傳又在此而不在彼也明矣洲在省會三十里之南四圍皆水水之外諸峯環拱其最勝者鼓山聳其北一望深秀蔚然卓立而城門大頂峯蜿蜒東轉至

螺江陳氏家譜

螺洲小序

一

方岐山結爲盤石隱隱伏水而來中分爲小支者曰鳳山牌下山磨石山黃輿山沂山或爲三台綿亘或于水濱聯絡是殆此洲之地脈乎洲之南有山橫峙若屏案焉曰方山方山者以產方竹名五峯巖業故又謂五虎山洲之東西建爲輔弼者曰石步山高蓋山大象山旗山文山鰲山其形勢脈絡端倪呈露皆在若近若遠間所謂有山水之樂無山水之逼者此也謹按晉安志福州受上游汀建延邵四郡水經古田閩清二縣界至白沙驛分爲二派一派自北而東者循岳山至洪山江鼓

螺江陳氏家譜

螺洲小序

二

山江會馬頭江入海一派自西而東者循洪塘至金鑽江又合永福縣之水過仙峙江螺洲江烏龍江會馬頭江入海螺洲適當仙峙之下烏龍之上衆水至此必潏洄淵渟涵浸太虛然後委蛇蛇排峽門而達于海江之東石馬爲二峽之關鍵羅星塢作砥障于中流無廣陵之洶湧而有金焦之蕩漾故生於其間者潤達知大體而少拘牽齷齪之習其清淑之氣所鍾者然也洲之肇遷不知始於何氏也廢興已非一姓唯余家與吳姓林姓聚族爲最久文運啓祥爲最盛自明永樂間林公理以明經舉順天吳克禮由主簿游陞少司空後以孝廉茂才著者遂駸駸輩出迨嘉靖戊戌陳東之成進士官民部漕清廉宴文章節義蔚爲一代之宗 國朝崇儒重道化被海隅士之爭自濯磨者視昔有加焉百餘年來宴曲江者七人歌鹿鳴者三十餘輩家絃戶誦幾於比戶可封仕王朝廩民社於今未艾也殆所謂地靈則人傑歟抑詩書之貽澤孔長先達之淵源有自其所由來也漸矣余生也晚未獲從浴齋直園于岡石鐘正洲諸君子遊考所謂東聚堂羅漢園南金園者半歸園

螺江陳氏家譜

螺洲小序

三

關牛沒荒蕪逸事不可得其詳矣然而吳司空陳農部之政績流風其子孫家乘可考也括囊子晞髮生之文章逸行故老猶有能道其事者江之濱水木清華亭舊址巋然吳邑侯鵬咏高風如在目前乎當夫暑雨乍晴皓月初上攜斗酒挈良朋駕一葉之扁舟凌長江之萬頃風帆沙鳥水色山光歷亂心目飄飄乎有遺世獨立羽化登仙之意焉既而長歌返棹徐步江干則屏翠樓向若樓亦窺園諸精舍詩書之聲琅琅也此何必歷武夷九曲尋瀛海三山始信其爲洞天福地耶顧或謂螺洲一村落耳廢廟賽蜡有古遺風焉而祠宇之衆建毋乃諂歟文廟之祀毋乃僭歟余曰不然建文廟祭以二丁勸學興賢也郡志謂螺江社學是也立文昌宮者四萃鄉子弟肄業其中也卽朱文公義學遺制也祀徐女仙者二不忘所自始也建天妃宮者二有大功德於民則祀之也建靈顯廟者四能禦大災捍大患則祀之也夫揭虔安靈國之常典行於郡則有司主之行於鄉則鄉之耆德主之而豈僭與諂之謂乎嗟乎士君子時際昇平身居樂土一邱一壑固足以明吾志尤貴體朝廷


螺江陳氏家譜

螺洲小序


四



之德化以善草野之風俗斯仁里休聲播於無窮耳吾鄉人以地盛亦地以人傳其地清流環繞可以通瘴惡故春夏無瘟疫之災其田溝渠四達大澤疏濬故三時無水旱之虞此地爲之也其俗崇師儒而敦禮讓勤服賈而力耕作故淫佚爭訟之風不概見其第宅園亭無侈靡之觀而於橋梁道路必繕治完固蓋先輩自奉儉約而樂於義舉此風相沿爲已久矣若此者則人爲之也余聞之故老云林浦文安公入吾鄉流連咏歎而不忍去吾族螺江公五十致仕優游林下四十餘年之兩賢者皆以敦風俗興教化爲己任也豈徒耽於山水之樂也哉

螺江總圖



螺江陳吳林 分繪地界圖





本宗家廟鳩金贖地記

禮將營宮室宗廟爲先而徠松甫栢歸美奚斯重宗廟尤重乎其作之者也吾宗家廟舊址爲民部公舍傍陸地公消節子孫苦貧以輕直鬻於他姓久矣曾大父東白公履其地而怵然以思因謀於族曰此地寬深而方正據吾族之中央陰陽無頗顧既鬻則難復若規建宗祠以衆請而倍償其直宜可得也僉曰善遂釀金得百二十兩而贖之郭謹既歸底法斯存從茲堂構次第就理矣康熙丁巳始建堂以妥先靈丁卯作重門時其啓

螺江陳氏家譜

贖地記

一

閉雍正丁未復行脩葺缺者增之損者易之漫漶新之而祠以完計祠之地廣可六丈許袤三十丈祠之制爲堂三間夾以兩翼堂之下爲庭院爲東西廂房前爲儀門門三出入由左右儀門之外爲前院爲東西回廊榭屋又前爲大門三楹達於路堂後對榭二間爲祭祀庖福之所隔牆爲園園餘地之半雜植果實歲收其人以備祠中不時之需由前達後線以周垣雖積日累月久而後成而祠之氣象從容規模宏敞榭巍然羹牆如見亦可爲子孫無疆之休矣雖然微曾大父之深思遠

計圖難於易而爲大於細必不能建斯議徵諸族祖之協力同心倡者先邪而和者後許必不能襄斯事今吾鄉衡宇稠密畸零尺土視同拱璧猝覓祠地價無慮數千金卽數千金可辦矣安所得寬深方正如斯地者而售之此皆祖宗之神靈冥冥默相而列祖之經營締造實鴻基而宏遠謨者其功爲不可誼也謹詳記之而別次各房鳩贖之分如左

十二代孫衣德謹識

恭房

螺江陳氏家譜

地贖記

二

東白公	發良公	爾愷公	爾祥公
日永公	子明公	永常公	子紳公
君偉公	永兼公	永復公	永贊公
永端公			
從房			
爾開公	聚五公		
明房			
爾肇公	永規公	永譽公	永推公
永定公			

聰房

爾繼公

永鎬公

蔚房

仲華公


希江公

螺江陳氏家譜

贖地記

三

始祖墓圖



女不妻石

嘉靖二十九年庚戌臘月吉日立

螺江陳氏先塋

皇明勅封文林郎五世孫錄等重修

螺江陳氏家譜

鄭氏妣墓碑字

螺江店前陳氏墓

三修族譜序

寶琛中歲里居 先公以吾族舊譜自 文誠公重修後逾六十年命及時謀庶續其時族兄敬詔垂八秩及見前度修譜伯綸才望孚里黨延共經畫詔兄旋下世綸兄亦司訓龍溪不返國難家恤相更迭悼心失圖幾中輟矣猶於其間徧詣玉溪井門陳店諸鄉謁宗祠稽譜牒以證實 始祖徵仕公之所自出未嘗忘譜事也宣統初元被 召出山則屬族子維壽陀庵遞司其事陀庵志願極宏嘗參酌名人譜例手草例言十數則周布遐邇蒐訪遺佚且引族孫幼綽爲助輯

螺江陳氏家譜

三修譜序

一

成太半惟鄉居者闕焉顧乃相繼殂謝衰耄之身負羈縻勃碣間又不獲親董其役世教陵夷邪說輩作方以破除家族相標榜誰復省及此者族弟向宸屏居多暇請其趣集族之父老各就支派徵詢填寫爲足成之溯自受命 先公迄今蓋將五十年矣玩惕於前而皇遽於後外譌疏漏固所不免留此以爲底本庶幾否極泰來吾宗後秀有感於敬宗收族之誼踵此而起者爲修補整齊之以彌吾憾而迪前光則所望也歲在癸酉春三月辛丑清明節十七世孫寶琛謹序時年八十有六

福州螺江陳氏三修家譜例言

一譜學爲國史之流家自爲譜則始於漢繁於六朝至唐而極盛宋歐陽氏蘇氏二譜斷限稍嚴其大旨主於簡明以救前代泛濫之失自時厥後代有作者各有據依而唯乾隆時河間紀文達公景城紀氏家譜叙例五條曰分篇之例曰編纂之例曰雜書法之例曰損益古法之例曰編次標目之例徵引繁富斷制謹嚴爲諸家譜學之冠茲編多所採取不一加以疏證者以家譜但資徵信非以博奧相矜且紀譜序例見於文達集中可覆按也

螺江陳氏家譜

譜例

二舊譜十例於古今宗法譜學損益繁簡折衷至當茲悉依之閒以時代異宜稍有出入或昔詳而今略或昔略而今詳者亦各有所發明非敢妄爲武斷

三吾陳遷螺始祖 徵仕公舊譜序稱於明洪武間由新甯遷螺江按新甯卽今長樂玉溪井門陳店皆長樂治寶琛曾徧謁宗祠詳覽舊譜 徵仕公名下履歷子嗣闕如而兄子二人明載出繼年代又適合乃知前此所致疑特爲十八世有同名者之故因得證實吾螺之分支於陳店而上溯玉溪世次歷歷可考今慶弔必聞祭祀必告往來酬

酢固儼然一本之親也茲仍斷自 徵仕公者則以譜題螺江限例於遷螺猶史通斷限例也

四舊譜首列螺洲小序一篇不書年代及撰人姓名唯序中稱洲之肇遷不知所自始唯余家與吳姓林姓聚族爲最久又云余生也晚未獲從浴齋直園諸君子遊則爲吾陳氏先德所著而錄以冠於譜者爲嘉慶續修之時非老譜之舊無疑序中於吾洲山水源流古跡名勝以及學校廟宇遺俗軼聞列舉無遺可作一部螺洲誌讀茲仍錄冠譜首埒以螺江總圖及三姓分界地圖存先世聚族而居之

螺江陳氏家譜

譜例

舊也次乾隆癸未直園公浴齋公兩序次嘉慶庚辰文誠公一序次譜例十則明沿革示率循也唯豫章劉曰寧題螺洲小誌一篇係同洲吳姓先世故事與吾族無與削而不錄

五舊譜既列誥命一門復錄封贈誥勅及坐名勅書此自尊重

王言之意蓋當時名器綦重絲綸之出亦如金石爾音故舊譜所錄累牘連篇皆屬文誠公質齋公三代及已身妻室之榮典外此已寥若晨星百餘年來吾族通籍者多又

以捐例大開幾人人皆有一命之榮而中書代言復多抄襲故槩率有雷同遍收既苦卷軸之繁選錄復無先例可據茲姑從闕而於誥命一門則彙列一一無遺雖微必錄所以重門望而紀國恩也

六舊譜分列文職武職捐職及進士舉人貢生庠生監生各門歷百餘年簪纓益盛不能備載而於譜圖名下既分注歷任各官及鄉會科分各項出身一覽瞭然茲於各門中但書科舉一門餘概刪創重鳳毛麟角之意也

七舊譜圖注既書某某第幾子復書行幾當日聚居一鄉凡

螺江陳氏家譜

譜例

有添丁於次年正月必以生日告廟祠中有籍可稽故雖行第至數十百名次無訛瞭如指掌今則城鄉各處生死有不相聞者而世次至二十四蕃衍達數千人其不能合一族之輩行爲一一計其年齡而排次其行第者窮於勢也茲於續修者均從闕

八舊譜圖註墳墓但載地址及坐向而丈數四至則略而不書歷年既久盜賣盜葬之案層見叠出及涉訟公庭往往以契據無存難資憑證茲由各家將已葬各墳按照契載四至界址橫寬直長丈數詳細開報以便登載未報者暫

缺其先世祖墳契已遺失者亦重加丈量分別補載以垂久遠

九舊譜於各傳之外間錄諸家行看子題詠之作茲徧收國史地志及私家著述凡行狀傳贊墓志碑銘並年譜家傳依照碑傳集之例一律採錄卽一人不嫌數見其有潛德幽光未爲立傳者並補撰小傳以示闡揚末附列女各傳不限節孝女在室者亦增焉未嫁則從父也至題詠諸作均削而不錄

十郡縣地志每於紀傳之外末附志餘雜錄一門茲依其例

螺江陳氏家譜

譜例

爲譜餘雜錄凡吾族之軼事遺聞藝文佳話見於諸家著述者均爲採取間亦諮訪流傳擇其雅馴加之纂述以補家乘之遺而備史家之採

乾隆癸未新修家譜序

吾陳孝弟傳家詩書佑啓居螺川三百餘載而

巨源公其肇遷者也蓋在前明洪武年間愛螺川山水佳勝由新甯徙居於此門庭里巷處處綴以店前豈眞謂兩言雅馴抑聞新甯有冠峯冠峯有陳店故老歷傳自陳店遷來因倦倦於水源木本不置也顧爾時未經明載雖螺水三傳叔明公登賢書六傳螺江公甲黃榜立朝耿介三宴清廉究以雲礽未蕃譜猶姑待今傳世且十有六矣失此不修不特世系淆亦恐族情渙借弟請之宗長

螺江陳氏家譜

新修譜序

一

魚占叔祭告家廟令各支細查送閱秉公詳覈付道厚姪悉心分校三閱月付梓其貲取之丁錢力薄者仍聽酌交至於序所從來祇以肇遷爲始不敢徑追始祖之所自出誌謹也譜成宗長命借與弟爲序借老而不文無可諉謹拜手言曰譜有宗道於以追祖功顯世德別長幼序尊卑溯一本睦九族非區區潤色文獻謬附著姓也蓋思遊歷都門九州萬國軒車輻輳問爲同省親矣問爲同邑更親矣問爲同姓乃不啻骨肉親矣由斯以談則實係一本而視等秦越是誠何心彼操戈入室煮豆燃箕特其甚者耳

或貧富相凌強弱相軋匪特爲鄰族所笑亦皆祖宗罪人古君子有言千支萬派由祖宗視之均屬孫子倘譜成而合離萃渙各敦念九族原於一本使和氣致祥我祖宗詩書孝弟之業安知不大發於來許竊願與叔兄弟姪勉之慎之

賜進士出身文林郎山東清平縣知縣十二世孫芳謹書

螺江陳氏家譜

新修譜序

二